
- 1★ صدرِ جمہو ریہ دروپدی مُرمو نے کہیو ہے کہ صفائی ہی مُلک نانہہ صحت مند تے ترقی یا فتنہ بناوے گی۔
- 2★ وزیر اعظم نریندرمو دی نے سرینگر مانہہ کہیو کہ مو دی سرکا ر مانہہ ہی جموں کشمیر غا نوجوان بااختیار بو ریبا ہیں۔
- 3★ وزیر اعظم نریندرمو دی نے کہیو ہے کہ سرکا ر عالمی معیار و ر مُلک غا خوراک بارے شعبہ مانہہ جدت پا ئیداری تے حفاظت با رے پُر عزم ہے۔
- 4★ تے وزیر اعظم نریندرمودی رواں مہینہ غی 21 تا ریخ تیں 23 تا ریخ تک امریکہ غا 3 روزہ دورہ و ر جا ئیں گا۔ تے اُت وے بکھ بکھ شراکت داراں غے نال نال امریکہ مانہہ آباد بھارتی شہریاں سنگ گل با ت کریں گا۔

Prez Cleanlines

صدرِ جمہو ریہ دروپدی مُرمو نے کہیو کہ صرف صفائی سنگ ہی مُلک صحت مند تے ترقی یا فتنہ وے گویاہ گل ان نے اج مدھیہ پر دیش غا اوجین مانہہ صفائی دوست اجلاس سنگ خطاب کرتاں واں کہی۔ صدرِ جمہو ریہ نے کہیو کہ پچھلا 10 بہراں مانہہ صفائی غی تحریک مُلک گیر بن گئی ہے۔ جس سنگ مُلک مانہہ بے مثال بدلاؤ آيو ہے۔ اُن نے اس گل و ر خوشی غو اظہا ر کیو کہ ریا ست غا کئی شہراں نانہہ صفائی دوست محفوظ شہر قرار دتو گیو ہے۔ ریا ست غا اپنا دورہ غے دوجے تہاڑے صدرِ جمہو ریہ نے عملی طور و ر اُجین تے اندور بشکا ر 6 پالی شاہراہ غو وی نی پتھر رکھیو۔ ریا ست غا اپنا دورہ غا آخری مرحلہ مانہہ صدرِ جمہو ریہ ا ندور مانہہ دیوی اہلیہ وشوودیالیہ غی کنوکیشن یعنی طلبی تقریب مانہہ وی شرکت کریں گی۔ صدر جمہو ریہ اج شام جھارکھنڈ غا دو روزہ دورہ و ر رانچی جا ئیں گی۔ صدر جمہو ریہ پلک رانچی غا نمک مانہہ آئی سی اے آر قومی ادارہ برائے ثانوی کاشتکاری غی 100 سالہ تقریب مانہہ شرکت کریں گی۔

PM Rally

وزیر اعظم نریندرمو دی نے اج کہیو ہے کہ جموں کشمیر غا نوجواناں نے جمہو ریت مانہہ دوبا رہ بھروسو کیو ہے تے یہ محسوس کریں کہ ان گا ووٹ تبدیلی آن سکیں۔ غو پہلو قدم ہے۔ شیر کشمیر سٹیڈیم سرینگر مانہہ ہی جھیڑو جے ان نانہہ بااختیار بنان جے پی اُمید واراں غی حمایت مانہہ اک انتخابی ریلی سنگ خطاب کرتاں واں جناب مو دی نے مزید کہیو جے بی جے پی جموں کشمیر ریا ستی حثیت غی بحالی غو اپنو وعدو پورو کرے گی۔ اُنہاں نے کہیو جے جموں کشمیر غا نوجوان ہُن بے بس نہیں ہیں

یہ مو دی سرکار مانہ با اختیار بو رپیا ہیں۔ جناب مو دی نے کہیو کہ میںاں خوشی ہے جے جموں کشمیر بی جے پی نے نوجواناں غا روز گار واسطے بڑا اعلان کیا ہیں۔ تے نوجواناں نانہ روز گار دتو جائے گو۔ چناوی مہم دیر رات تک چلیں اس طرح عوام جمہو ریت غو جشن منا رہی ہے۔ وزیر اعظم نے مزید کہیو کہ جموں غا لوکاں نے اپنا حق رائے دیہی غو پچھلے تہاڑے بڑی تعداد مانہ استعمال کیو ہے۔ تے دہشت غا سایہ تیں بغیر گذشتہ روز پہلا مرحلہ غے تحت ووٹ پیا ہیں۔ جناب مو دی نے لوکاں نانہ گذارش کی ہے جے دوجا مرحلہ غا چناؤ مانہ بدھ چڑھ غے حصو لیں۔ اس تیں علا وہ جناب مو دی نے شمالی کشمیر مانہ گلمرگ سیاحتی مقام و ربر سال منعقد ہون آلا کھیلو انڈیا سرمائی کھیڈاں غو وی ذکر کیو۔ وادی غا لوکاں نے وزیر اعظم غا دورہ بارے اپنا خیالات غو اظہار کرتاں واں کہیو۔۔۔ بائٹ۔۔

Rajouri Home Voting

ضلع راجوری مانہ چناؤ تیں پہلاں ضلع چناوی افسر ابھشیک شرما نے اج جسمانی طور معزور افراد تے بزرگ ووٹراں واسطے کہر کہر ووٹ پوان غی سہولت غا سلسلہ مانہ پی جی کالج کمپلیکس راجوری تیں چناوی ٹیم نانہ بری جھنڈی دس غے روانہ کیو ہے۔ اس موقع ور گل کرتاں واں ضلع چناوی افسر نے دسیو کہ چناوی ٹیم تمام 5 اسمبلی حلقاں غا جسمانی طور معزور تے بزرگ ووٹراں نانہ گھر تیں ووٹ کہلن غی سہولت دے گی۔ اس موقع ور بولتاں واں ضلع چناؤ افسر ابھشیک شرما تے کہر تیں اس سہولت غو فائدو چان آلا اک فرد نے اس طرح کہیو۔۔۔ بائٹ۔۔

Poonch Voters

ضلع پونچھ غا گراں چنڈک مانہ اج چناوی منظم سویپ ٹیم نے گرلز ہائی اسکول چنڈک غی طالبات غے سنگ مل غے ووٹر بیداری ریلی غو انعقاد کیو۔ اس تیں بعد سویپ ٹیم نے مذکورہ اسکول مانہ اک بیداری پروگرام گو انعقاد کیو۔ جت بزرگ شہریاں سمیت بوتھ سطح گا بیداری گروپ، ٹیم غا اراکین، باقی بیداری بارے اراکین نے شرکت کی۔ اس موقع ور بولتاں واں سویپ ٹیم ممبر گگندیپ کور نے اس طرح کہیو۔

SVEEP Poonch

ضلع پونچھ غا جوگر پارک مانہ چناوی منظم پروگرام سویپ غے تحت ثقافتی پروگرام غو اہتمام کیو گیو۔ مذکورہ تقریب مانہ 3 اسکولاں گا طلباء نے پُر جوش شرکت کی۔ تقریب مانہ طلباء نے چنگی کارکر دگی پیش کی جس مانہ حُب الوطنی ور مبنی گانا تے ناچ شامل ہیں تا نچے ووٹراں نانہ حق رائے دیہی واسطے راغب کیو جا سکے۔ اس کا رکر دگی نے سامعین نانہ مشغول کیو تے جمہوری عمل مانہ فعال شرکت غی

اہمیت نانہہ اُجاگر کیو۔ سویپ ٹیم نے طلباء غے سنگ مل غے رائے دہندگان نانہہ 25 ستمبر نانہہ ووٹ کہلن با رے دسیو پالیو تے کہیو جے اس جمہو ری عمل مانہہ بدھ چڑھ غے حصول مذکورہ کوششاں نانہہ اُت موجود افراد نے بہت سراہیو۔

ECI PCS

بھارتیہ چناؤ کمیشن نے جموں کشمیر مانہہ 2024 غا عام اسمبلی انتخابات غا پہلا مرحلہ واسطے 7 ضلعان مانہہ 107 خصوصی چناؤ مرکز قائم کیا تھا۔ جن مانہہ گذشتہ روز ووٹ کہلیا گیا۔ ان جدید انتخابی مرکزان مانہہ خواتین، نوجوانان تے معزور افراد نانہہ ماحول دوست طریقان نانہہ بابدو دین اُن غی شمولیت تے رسائی نانہہ بموار بنان غا سلسلہ مانہہ تیار کیو گیوتھو۔ مذکورہ جدید مرکز انت ناگ، ڈوڈہ، کشتواڑ، کلگام، پلوامہ، رام بن تے شوپیان غا سارا 7 ضلعان مانہہ یہ مخصوص موضوعات غے تحت چناؤ مرکز تیار کیا گیا تھا۔ اس سلسلہ مانہہ جموں کشمیر اعلیٰ چناؤ افسر پی کے پولے نے کہیو جے ان بکھرا قسم غا چناؤ مرکزان گو قیام انتخابی عمل مانہہ شمولیت تے پائیداری نانہہ بابدو دین با رے مہاری غیر مزملزل لگن نانہہ واضع رہ کے۔ اُن نے کہیو جے بر شہری نانہہ اپنا جمہو ری حق غا استعمال واسطے برابر غی رسائی حاصل ہونی چاہیے۔ تے یہ چناوی مرکز اس مقصد غا حصول آلے پا سے اک اہم قدم غی نمائندگی کریں۔

World Food India

وزیر اعظم نریندر مو دی نے کہیو جے کہ سرکار عالمی معیار و ر ملک غا خوراک با رے شعبہ مانہہ جدت پائیداری تے حفاظت با رے پُر عزم ہے۔ یاہ گل اُن نے نوی دہلی مانہہ منعقد عالمی خوراک بھارت 2024 تقریب غے پہلے تہاڑے اک ویڈیو پیغام مانہہ کہی۔ وزیر اعظم نے کہیو جے بھارت مانہہ اک متحرک تے متنوع غذائی ثقافت ہے اور کسان ملک غا غذائی نظام غی ریڑھ غی بڈی ہیں۔ اُن نے کہیو کہ سرکار کسانان نانہہ نوی پالیسیاں تے توجو دین با رے عمل درآمد غے نال کسانان غی مدد کر رہی ہے۔ ترقی پسند ذمہ داری با رے طریقان، مضبوط انتظامی ڈھانچہ تے نوی ٹیکنالوجی غی اہمیت با رے بولتاں واں وزیر اعظم نے کہیو کہ سرکار نے خوراک غا عمل با رے شعبہ خاطر بڑا پیمانہ ور اصلاحات شروع کی ہیں۔ اُن نے کہیو کہ سرکار نواں بنیا دی ڈھانچہ مانہہ اک مضبوط ماحولیاتی نظام بنا رہی ہے۔ جس سنگ ملک مانہہ روزگار گاموچ پیدا ہو رہیا ہیں۔ وزیر اعظم نے کہیو کہ غذا کاری شعبہ مانہہ 100 برائے راست غیر ملکی سرمایہ کاری پر دھان منتری کسان سمپدا یوجنا تے غذا کاری صنعتان با رے پیداوار سنگ جڑی ترغیبی اسکیمان آلے پا سے اشارو کیو۔ ورلڈ فوڈ انڈیا 2024 مانہہ مچ سارا ملکان غی شراکت داری ور وزیر اعظم نے کہیو کہ یوہ دُنیا نال کم کرن غو اک مثالی سطح ہے۔ اُنہاں نے یاہ اُمید ظاہر کی جے خوراک تحفظ نانہہ بدھان تے خوراک غا ضیاع

نانہہ کہٹ کرن با رے اہم موضوعات ور نمائش عالمی کوراک بھارت 2024 تقریبات غے
گے دوران پیش کی جائے گی۔

MEA PM US Visit

وزیر اعظم نریندرمو دی رواں مہینہ غی 21 تیں 23 تا ریخ تک امریکہ غا 3 روزہ دورہ ور
ویں گا۔ یاه گل اج نوی دہلی مانہہ نامہ نگاراں سنگ گل کرتاں واں خارجہ وزارت غا
سیکرٹری وکرم مصری نے دسی۔ اُن نے دسیو جے وزیر اعظم غادورہ مانہہ مچ سارا
باہمی کثیر الجہتی تے تکثیری پہلو شامل ہیں۔ اُن نے کہیو کہ اپنا دورہ غے دوران وزیر
اعظم نریندرمو دی بکھ بکھ غیر ملکی شراکت داراں تے امریکہ مانہہ مقیم بھارتی
شہریاں غے نال گل بات کریں گا۔ خارجہ سیکرٹری نے کہیو جے وزیر اعظم رواں مہینہ
غی 21 تا ریخ نانہہ والمنگٹن ڈیلا وئیر مانہہ چوتھی انفرادی کواڈ رہنماواں گا اجلاس
مانہہ حصو لیں گا۔ اُنہاں نے کہیو کہ وزیر اعظم کواڈ سربراہی اجلاس غا موقع ور دو طرفہ
ملاقات وی کریں گا۔ اُن نے دسیو جے بھارت اگلی کواڈ چوٹھی کا نفرنس 2025 مانہہ
منعقد کرے گو۔ جناب مو دی نے دسیو جے وزیر اعظم ڈیلا وئیر تیں اقوام متحدہ مانہہ
مستقبل غی چوٹی کا نفرنس مانہہ شرکت گا سلسلہ مانہہ نیویا رک جائیں گا۔ وزارت
خارجہ غے مطابق وزیر اعظم امریکہ مانہہ مقیم چوٹی غی کمپنیاں غا سی ای او ز نال
وی گل بات کریں گا۔
